



66, rue Baudouin
L-1218 Luxembourg
Tél.: 40 77 20-1
Fax: 40 77 20-40
fgfc@fgfc.lu
www.fgfc.lu

Pressemitteilung

Cassatioun "Agents municipaux" – Stad Lëtzebuerg

D'FGFC fuerdert eng Disziplinarprozedur fir déi concernéiert Beamten !

Bekanntlech war 2018 de Chef vum Service Parking vun der Stad Lëtzebuerg a säi Verrieder wéinst Falsch-Aussoen a Relatioun mat engem hinne subordonnéierten Agent Municipal zu 12 Méint Prisong an enger Geldstrof vun 3.000 Euro veruerteelt ginn. D'Cassatioun huet dëst Uerteel elo bestätegt.

Als FGFC fuerdere mir elo de Stater Schäfferot op, fir béid rechtskräfig veruerteelt Beamten eng Disziplinarprozedur ze entaméieren. Wann e presuméierte Gang an d'Apdikt eng Disziplinarprozedur no sech zitt, dann awer eréischt grad léisierend Falschussoen an enger offizieller Prozedur.

Sollt de Stater Schäfferot dat elo net maachen, si mer definitiv am kommunale Sekter an enger Banannerepublik ukomm. Wann der als kommunale Patron wëllt glafwierdeg bleiwen, da musst der elo handeln!

De Schäfferot vun der Stad Lëtzebuerg huet bis elo refuséiert iergendeng intern Demarche ze ënnerhuelen. Motto war hei: Mir gi vun der Présomption d'innocence aus bis datt e rechtskräfigt Uerteel virläit. E ben, elo ass e et esouwäit!

D'Uerteel bestätegt kloer, datt hierarchesch Cheffen duerch Falschussoen e Kolleg „agent municipal“ wollten innerhalb vun enger offizieller Disziplinarprozedur massiv schiedegen. Et ass drëms gaangen, datt de Kolleg sech op sengem Tour, well et ëm schlecht war, eppes wollt an d'Apdikt siche goen. Déi perfid Aart a Weis wéi dat gelaf ass, ass ganz schlëmm, zemoos mir et hei mat vereedepte Beamten ze dinn hunn.

*Matgedeelt vun der FGFC-Exekutiv an der FGFC-ASAM
Lëtzebuerg, de 14. Februar 2019*